

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKI NAČELNIK
Broj: 01-49-2203-4/18
Datum: 22.10.2018. godine



Bosnia and Herzegovina
Federation of Bosnia and Herzegovina
ZENICA – DOBOJ CANTON
The Municipality of Maglaj
MUNICIPALITY MAYOR

Na osnovu čl.70. stav 4. a u vezi sa čl.69. Stav 2. tačka e. i čl.75. stav 3.tačka b). Zakona o javnim nabavkama BiH („Služben glasnik BiH“ broj 39/14,) i Dodatka na zapisnik Komisije broj: 01-49-2181-3/18-1 od 22.10.2018. godine, Općina Maglaj, ovlašteno lice ugovornog organa Načelnik općine Maglaj, d o n o s i

O D L U K U

o poništenju postupka javne nabavke

I

Poništava se postupak javne nabavke Konkurentski zahtjev za dostavljanje ponuda za izvođenje radova „Na sanaciji i rekonstrukciji lokalnog puta Borik – Gračin brijeg, oštećen nakon elementarnih nepogoda – klizišta u 2015. Godine, nakon sanacije klizišta Borik I, II, III i IV“, koji je objavljen na portalu javnih nabavki dana 24.09.2018.godine br. 1140-7-3-34-3-37/18, iz razloga što odabrani ponuđač DOO „Porobić“ Zavidovići, u ostavljenom roku od pet dana od dana prijema obavještenja nije dostavio dokaze koje propisuje Zakon o javnim nabavkama,(čl.72. stav 3. Tačka b) ZJN BiH), te što je cijena drugorangiranog ponuđača znatno veća od osiguranih sredstava za predmetnu nabavku,(čl. 69.stav 2.tačka e.ZJN BiH).

II

Za realizaciju Odluke zadužuju se Služba za urbanizam, geodetske imovinsko pravne poslove općine Maglaj.

III

Ova Odluka ima se objaviti na web stranici Općine Maglaj u skladu sa čl.70. Stav 6. Zakona o javnim nabavkama BiH.

IV

Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke , u skladu sa čl.71.stav 2. Zakona o javnim nabavkama.

O b r a z l o ž e n j e

Odlukom o pokretanju postupka broj 01-49-2203/18 od 24.09.2018. godine pokrenut je postupak javne nabavke za Izvođenje radova „Na sanaciji i rekonstrukciji lokalnog puta Borik – Gračin brijeg, oštećen nakon elementarnih nepogoda – klizišta u 2015. Godine, nakon sanacije klizišta Borik I, II, III i IV“.

Odabran je Konkurentski zahtjev za dostavljanje ponuda, za izvođenje radova Na sanaciji i rekonstrukciji lokalnog puta Borik – Gračin brijeg, oštećen nakon elementarnih nepogoda – klizišta u 2015. Godine, nakon sanacije klizišta Borik I, II, III i IV“, koji je objavljen na portalu javnih nabavki dana 24.09.2018.godine br. 1140-7-3-34-3-37/18.

Kriterij za dodjelu ugovora je najniža cijena.

Odlukom broj.01-49-406/18 od 20.02.2018. godine Načelnik općine Maglaj imenovao je Komisiju za javne nabavke u 2018. Godine.

Komisija je izvršila javno otvaranje ponuda 01.10.2018. godine o čemu je sačinila Zapisnik sa otvaranja ponuda i isti je prosljedila svim ponuđačima, a E-aukcija za predmetne radove je provedena 04.10.2018. godine.

Komisija za javnu nabavku je dana 05.10.2018. godine dostavila Zapisnik o radu broj: 01-49-2203-2/18 i preporuku o dodjeli ugovora najpovoljnijem ponuđaču „Porobić“ d.o.o. Zavidovići.

Ovlašteno lice ugovornog organa, Načelnik općine je dana 09.10.2018. godine donio Odluku o izboru najpovoljnije ponude za izvođenje radova „ Na sanaciji i rekonstrukciji lokalnog puta Borik – Gračin brijeg, oštećen nakon elementarnih nepogoda – klizišta u 2015. Godine, nakon sanacije klizišta Borik I, II, III i IV“ broj 01-49-2203-3/18, kojom je utvrđeno da je najpovoljnija ponuda , ponuda ponuđača „Porobić“ d.o.o. Zavidovići u iznosu od 59.666,24 KM sa PDV-om.

U članu 3. navedene Odluke je određeno „da je odabrani ponuđač dužan u roku od pet dana od dana zaprimanja obavještenja dostaviti dokaze kojim je tenderskom dokumentaciju ponuđaču koji bude odabran kao najbolji u ovom postupku, utvrđena obaveza dostavljanja dokaza koji propisuje Zakon o javnim nabavkama.“

Odabrani ponuđač „Porobić“ d.o.o. Zavidovići je odluku o izboru najpovoljnije ponude i Zapisnik zaprimio putem maila dana 12.10.2018. godine.

Rok za dostavu potrebne dokumentacije je bio pet dana, dakle do 19.10.2018. godine.

Kako odabrani ponuđač nije dostavio traženu dokumentaciju do 19.10.2018. godine, to je bilo potrebno postupiti u skladu sa čl.72. stav 3. ZJN, kojim je utvrđeno da „Ugovorni organ dostavlja prijedlog ugovora onom ponuđaču čija je ponuda po rang - listi odmah nakon ponude najuspješnijeg ponuđača, a u slučaju da najuspješniji ponuđač b). propusti dostaviti dokumentaciju koja je bila uslov za potpisivanje ugovora, a koju je bio dužan pribaviti u skladu sa propisima u Bosni i Hercegovini“.

Međutim , kako je za predmetnu javnu nabavku planiran iznos od 51.000,0 KM bez PDV-a, te kako je drugorangirani „Geo put“ d.o.o. Maglaj dostavio ponudu na iznos od 64.399,29 KM bez PDV-a, odnosno na iznos od 75.347,18 KM sa PDV -om, koji iznos je znatno veći od osiguranih sredstava za predmetnu nabavku, to je trebalo postupiti u skladu sa čl.69. stav 2. Tačka e). ZJN.

Komisija za javnu nabavku, je dana 22.10.2018. godine, uradila dodatak na Zapisnik o pregledu i ocjeni ponuda,broj : 01-49-2181-3/18-1, kojim je predložila ugovornom organu, ovlaštenom licu načelniku Općine, da poništi postupak javne nabavke za izvođenje radova Na sanaciji i rekonstrukciji lokalnog puta Borik – Gračin brijeg, oštećen nakon elementarnih nepogoda – klizišta u 2015. Godine, nakon sanacije klizišta Borik I, II, III i IV“, iz gore navedenih razloga.

Nadalje, u postupku ocjene provedenog postupka, ugovorni organ Općina Maglaj, ovlašteno lice ugovornog organa Načelnik općine Maglaj, nije našao razlog nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka javne nabavke data u skladu sa Zakonom o javnim nabavkama, podzakonskim i internim aktima i tenderskom dokumentacijom.

Naime, u postupku predmetne nabavke nesumljivo je utvrđeno da odabrani ponuđač nije dostavio traženu dokumentaciju u ostavljenom roku, a da je cijena drugorangiranog znatno veća od osiguranih sredstava za predmetnu nabavku u budžetu općine Maglaj za 2018. Godinu, odnosno što

je procjenjena ukupna vrijednost ugovora za predmetne radove bez PDV-a 51.000,00 KM, odnosno sa PDV-om 59.670,00 KM, a ukupne cijene drugorangiranog DOO „Geo put“ Maglaj iznosi 75.347,18 KM sa PDV-om, čime su se stekli zakonski osnovi za poništenje postupka javne nabavke.

Na osnovu izloženog a primjenom člana 70. Stav 4. a u vezi sa čl.69. Stav 2. Tačka e). i čl.72.stav 3. Tačka b). Zakona o javnim nabavkama BiH (Službeni glasnik BiH“broj 39/14),odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, putem ugovornog organa : Općina Maglaj u roku od 5 dana od dana prijema Odluke.

Žalba se podnosi u tri primjerka kako bi mogla biti uručena izabranom ponuđaču, Uredu za razmatranje žalbe i Ugovornom organu.

Žalba se podnosi neposredno Ugovornom organu , u pisanoj formi, direktno ili putem preporučene poštanske pošiljke.

Dostavljeno :

- 1.Ponuđačima 2x
- 2.U spis.



Općina Maglaj

Općinski Načelnik
Mirsad Mahmutagić